



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS,

manè discentiendæ in Scholis Medicorum, die Jovis decimâ octavâ mensis

Novembris, anno Domini M. DCC. LXXIII.

PRÆSIDE,

M. JOSEPHO COTTON, Doctore Medico.

An herpeti non venereo sublimatum corrosivum?

I.



ORBOS internos secum præsens asferre periculum, nec nisi prudenti medicinæ auxilio avertendum ultrò fatentur omnes; externos verò, cutaneos verbì gratiâ, vitæ non infidiari contendunt. Sic herpes, sive tacitè irrepens cutem vix maculis distinguere incipiat, sive viribus auctis eam foedè depascit, sæpius minorem excitat sollicitudinem. Sed cheu! plures cineri dolofo incedunt, malè-cautam securitatem morte luunt improvisâ. Alii enim empiricorum, agyrtarum,

* Autore M. Cotton, ann. 1772.

muliercularum oracula poscunt: manat fons uberrimis remediorum quæ ruborem ingratum fugare, irrequietam sedare pruriginem, morbi furorem frænare veluti per incantamentum prædicantur; illis consumptis multaque exhaustâ pecuniâ nectum affulgeat curationis spes, res in pe'us ruunt. Tunc genuinam medicinæ opem efflagitant: nec raro illa monstrum debellare frustra tentat; arma imbellia depromit, telaque sine ictu vibrat: saponacea, amara, tonica, ex antimONIO præparata remedia. Medicinam ipsam hoc adversus mali genus mancans & imbecillum nè tamèn dicas: mercurii administratio ut herpetem sæpissimè superavit venerum, sic non venerum felicius profligare potest; si prudens sit administratio & eligatur præparatio ea quæ magis ad sal neutrum accedat, quæ omnibus in mensuris solvi possit: sublimatum puta corrosivum diu quæsito frui dabitur contra herpetem sp. cifico. Illud suâ activitate obices superabit omnes, fibras stimulat, stagnantes solvet humores, illis conciliabit fluiditatem, mínimos permeabit vis erum canaliculos, cutis meandros; sic diaphoresi, vel aliâ excretionem virus omne propellet.

I I.

CUTIS partium omnium tu tamen & propugnaculum, vasis constat innumerabilibus quorum interstitiis insident glandulæ miliares, sebaceæ quæ inungentem fundunt humorem; illius humoris aut folliculorum vitium lepræ, scabiei, herpetis causa & origo; de herpete tantum hic agere nobis animus est. Herpes papularum congeries seu efflorescentia tumoribus distinguitur exiguis, aggregatis, pruriginosis, in squamas furfuraceas, aliquando crustaceas abeuntibus. Alius farinaceus dicitur aut furfuraceus, alius crustaceus, miliaris alius, alius depascens. Furfuraceus papulas habet rubras parùm prominentes, pruriginosas; crustaceus celi serpigo congestas, nunc valde pruriginosas, nunc acutè pungentes, areâ circumscriptâ insignis sæpius relicta priori sede, in vicinam serpit partem, frictu excoriatur stillatque aquosus & acris humor. Miliaris, hydatidibus seu vesiculis granum milii aquantibus, prurigne, circumfusâ inflammatione dignoscitur, apice papularum rupto vesiculæ remanent subrotandæ, flavescetes. Depascens papulis non distinguitur, immani verò cresypelate, sæviente dolore, ulcere sædo, acri & corrosivo humore insignitur. Manus, vultum, partes frictui obnoxias affectat herpes. Causæ internæ sunt & externæ; perspirationis imminutio, reperiussio, suppressio; alimenta sale acri referta; maris vicinitas; excelsarum montium aer; indomiti & pertinaces animi motus; mentis ad abstracta nimia applicatio; temperamentum biliosum, melancholicum; esculentorum penuria; vestium sordes; durior, iterata nimis cutis frictio; unctuosorum quæ comestica dicuntur, spirituosorum, astringentium usus. Illæ causæ vel succos inungentes acredine inficiunt, vel transpirationem nimiam procreantes, serositatem amicam dissilant; nunc erodunt glandulæ sebaceæ, fibras cutaneas exercet erethismus; nunc succi redduntur immeabiles, folliculi obstruuntur; nunc excretorii ductus constringuntur, suffocantur glandulæ. Sic oritur prima mali labe; agrorum incuriâ, indocilitate incauto remediorem supra dictorum usu ingravescebat in dies vixque sanabilis.

I I I.

HERPETEM profligare tentas? Textus cutis relaxandus, glandularum excretorii ductus aperiendi, attenuandi humores, amica blandities concilianda. Tepida balnea potus aquosi, lenientes & saponacei non parum proderunt. Amara, tonica, ex antimONIO, plumbo confecta remedia, multoties decantata incausum, adhibebuntur mali sævienti frænare imparia. Sublimatum corrosivum moleculasum tenuitate, mobilitate, activitate illa longè superat: duorum enim quibus

3
constat principiorum dotes egregiè possidet; indè humoribus fluiditatem, fibris tonum reddere potest. Ritè verò perpendas vim & energiam; teneas quid valeat, quid ferre recuset varia ætas, varius sexus, varium temperamentum; substantiarum quarundam mixtione, doses infinitè divisas adhibens ad nutum ejus aditativam dirigis: sic sublimatum modò aperitivum, modò sudorificum, modò laxativum tibi erit: fibras actione suâ titillans earum contractiones suscitât, vasorum vibrationes adauget, intestina sollicitat, glandulas cutaneas subit, sanguinem lymphaticam congestionem aggreditur, superat humoribus validius conquassatis, divisis, attenuatis, subactis: Hinc lividum ruborem, irrequietam fugat pruriginem; solvit congestas & eminentes pustulas modò acri & mordicante sero, modo albâ, inodorâ & concretâ materie refertas.

I V.

PRI-MUS sublimatum corrosivum contrâ herpetem externè præscripsit Pareus, illudque felix eventus consecravit. Hujus verò seculi Hippocrates sublimati corrosivi internè adhibitâ efficaciam comprobavit, administrationis indicavit methodum, morborum venereorum tandem antidotum designavit quod cutaneas præsertim affectiones à lue venereâ oriundas invictè debellat. Analogiâ ducti non dubitavimus contrâ herpetem non venerium illud præscribi posse, prudentes & parci administravimus: nèc fessellit spes. Furfuraceos debellavimus herpes & crustaceos. Unum exemplum referre liceat. Decimus jam annus erat ex quo labrum superius aurigæ cruciabat herpes crustaceus: frigore exarcerbuit: maxillares & parotidæ glandulæ sic & caput infandum tumuerunt, oculi latebant, monstrum referebat æger; illius labrum duobus pollicibus crassum circâ foveculam foedè dehiscibat, ex ulcere stillabat ichor: ætatis erat quadraginta; sanitas ab omni venerei vitii suspitione vacua. Sublimatum sic administravimus ut vix per sex dies grana duo consumpsit, jamque ad statum naturalem caput rediit, glandularum omnino evanuit tumor: quinque elapsis hebdomadibus, duodecim granis sublimati adhibitâ herpes profligatus fuit. Huic methodo insistens, varios fugavimus herpes qui vultum, manus, inguines insciebant. Analogia itaque hanc sublimati dotem indicavit, experientia comprobavit: nova mercurii virtus in aprium venit, specificum agnoscit herpes; quo, fateor, temerè administrato prurigo, dolor, inflammatio aliaque symptomata adaugentur; quo prudenti partito, adjunctisque, pro re natâ, balneis, emulsionibus, saponaceis potibus teterrima symptomata evanescent; pristinumque decus rursus induit cutis.

V.

MELANCHOLICIS, asthmaticis venenum prorsus esse sublimatum dicet aliquis: quod verò contrâ herpetis curationem arguitur illud & argui potest contrâ venerei morbi curationem; in utroque præscribitur sublimatum, eventusque vota sæpe-sæpius longè superat; auctâ perspiratione vel aliâ excretionem, foras mandatur nocivus humor. Instabis, ægros in periculum venire si herpes ichor dissillantes subito dissidentur. Multa equidè & dira oriuntur mala si remedium astrigentium imprudens administratio herpetis venenum ad interiora percutiat: hinc viscerum infarctus, asthma, empiema, lencoplegmata, hydrops, cephalalgia, apoplexia, &c. quam verò jam exposui sublimati administratio hæc labe infici non potest. Nostra methodus in herpetibus curandis collimat methodo quâ debellatur pian seu frambæsia, morbus ferè endemicus in multis Africæ & Americæ regionibus; monstrum horrendum, ingens! Nascuntur pustulæ seu potius excrecentiæ fungosæ, quæ colore, crassitie, consistentiâ frambæcias æmulantur, pruriunt, cutem excedunt, ulcera efformant. Vultui insident, axillis, inguinibus, ano, ubicumque glandulæ adsunt sebaceæ. Nec illum morbum à lue ve-

nereâ semper oriundum dicas : mercurii frictiones, fumigationes, panaceæ, sudorifica, incassum sæpè adhibita sunt. Causæ ferè eædem annotantur ac in herpette; peculiariæ habeas, dum urente sole laborem imminensum exercent nigræ, nocte verò aeri frigido & humido exponuntur; crassioribus vescuntur alimentis; duriorum patiuntur servitutem. Ut verò causis procreantibus, sede, symptomatibus ad herpetis naturam pian accedit, sic curationis methodo & specifico (a) cum illo congruit.

Ergò sublimatum corrosivum herpeti non venereo.

(a) Surinamo nupè promulgatum fuit à Batavis R^l. aquæ fortis uncias decem, mercurii uncias sex, nitrî crudî uncias quatuor, argenti unciam unam, colcotar dragmam unam. Merc. solv. in aq. for. suff. q. Nitr. & colc. Simul terantur, lagenâ immittantur alterâ, supèr affunde aq. for. ad cuius poll. altitudinem. Alia lagena contineat arg. cum aq. for. Tres illæ lagenæ nocte unâ sibi permittantur. Postero die quod continent aliæ infundantur in lagenam quæ nitr. & colc. continet. Mixtio agitur lagenâ clausâ. Tunc quatuordecim diebus elapsis liquorem habes specificum. Hæc est illius administratio: per res quatuor-vè dies continuos, præ medici prudentiâ, in semi-cyatho aquæ frig. infundantur XVI aut XX guttæ liquoris, hanc dosim manè; jejuno ventriculo hauriat æger, cui præscribitur oryza, syrupus, de melasse abstineat carnis, salc & aceto.

DOMINI DOCTORES DISPUTATURI.

M. Joannes-Baptista-Franciscus DE LA RIVIERE, utriusque Pharmacie Professor, Consiliarius Medicus Regis ordinarius in ejus Castellato.

M. Petrus-Josephus MORISOT DESLANDES.

M. Petrus BERCHER, Facultatis Ex - Decanus & Academiae, Censor Regiæ Hispaniarum Infantis dum viveret, Regii exercitus ad infimum Rhenum in ultimo Bello Medicus Primarius.

M. Guido DANIE DESPATUREAUX.

M. Henr.-Michael MISSA, Regii Medicorum Collegii Nanceianorum Socius Honorarius, antiquus Regis Exercituum in Germania Medicus ordinarius, Censor Regius, Academiae Catalaunensis Socius.

M. Benjamin - Ludovicus LUCAS DE LAUREMBERT.

M. Cleriardus VACHIER.

M. Joannes - Nicolaus MILLIN DE LA COURVAULT.

M. Ludovicus-Guillermus LE MONNIER, Consiliarius Medicus ordinarius Primarius, Regiarum Parisiensis Londinensis ac Berolinensis Academiae Socius & in Horto Regio Botanices Professor ac Demonstrator.

Proponebat Parisiis JOANNES-BAPTISTA JUMELIN, Constantiensis, Saluberrimæ Facultatis Medicinæ Parisiensis Baccalaureus, A. R. S. H.

1773. A SEXTA AD MERIDIEM.

Typis QUILLAV, Saluberrimæ Facultatis Medicinæ Typographi. 1773.